

佛說佛醫經

飛

吳天竺沙門竺律炎若文越譯

人身中本有四病一者地二者水三者火四者風風增氣起火增熱起水增寒起土增力盛本從是四病起四百四病土屬身水屬口火屬眼風屬耳火少寒多目冥春正月二月三月寒多夏四月五月六月風多秋七月八月九月熱多冬十月十一月十二月有風有寒何以故春寒多以万物皆生為寒出故寒多何以故夏風多以万物榮華陰陽合聚故風多何以故秋熱多以万物成熟故熱多何以故冬有風有寒以万物終亡熱去故有風寒三月四月五月六月七月得卧何以故風多故身放八月九月十月十一月十二月正月二月不得卧何以故寒多故身縮春三月有寒不得食夏三四月有風不得食秋三四月有風不得食冬三四月有風寒陽與陰合

宜食粳米胡豆羹醃醃有時卧風起有時滅有時卧火起有時滅有寒起有時滅人得病有十因緣一者久坐不飯二者食无貨三者憂愁四者疲極五者淫泆六者瞋恚七者忍大便八者忍小便九者制上風十者制下風從是十因緣生病佛言有九因緣命未當盡為橫盡一不應飯為飯二為不量飯三為不習飯四為不出生五為止熟六為不持戒七為近惡知識八為入里不時不如法行九為可避不避如是九因緣人命為橫盡不應飯為飯謂不可意飯亦謂不隨四時食亦為以飯復飯是為不應飯為飯不量飯者謂不知節度多食過足是為不量飯不習飯者謂不時食若至他郡國不知俗宜飯食未習不稍稍飯是為不習飯不出生者謂飯物未消復上飯若服藥吐下不盡便食來是為不出生止熟者謂大便小便來時不即時行噫吐下風來時制是為止熟不持戒者謂犯五戒現世間盜犯他人婦女者便入縣官或刺或死或

得榜榜塵死若餓死或得脫外從怨家得首死或驚怖憂愁死是為不持戒近惡知識者謂他人作惡便來及人何以故不離惡知識故惡人不計當坐之是為近惡知識入里不知時不如法行者謂晨暮行亦有翹颺諍鬪者若有長吏追捕而不避若入他家舍妄視不可視妄聽不可聽妄犯不可犯妄念不可念是為入不知時不如法行可避不避者謂弊牛馬狗狗蛇虫水火坑井車馬拔刀醉人惡人亦若干是為可避不避如是九因緣人命未盡為盡人命當識是當避是已避得兩福一者得長壽及得聞道好語亦得久行道佛言有四飯一為子飯二為三百子斫飯三為皮革生生出飯四為灾飯子飯者謂人貪味食肉時便自校計念是肉皆我前世時父母兄弟妻子親屬亦從是不得脫生死已得是意便止貪是為子飯三百子斫飯者謂飯隨味念復念其殃无有數能不念味便得脫又牙斫人為亡身已生念復念有若干

佛說佛醫經 卷之三

受苦為三百斤斫飯皮革虫生出飯者謂人念味亦一切万物憂家中事便穿人意意作万端為出去是為皮革虫生飯灾飯者謂一生死行皆為灾飯如火燒万物人所行皆當來惱身劇火焚万物故言灾所以言飯者謂人所可意念人故言飯也人食肉辟如食其子諸畜生皆為我作父母兄弟妻子不可數亦有六因緣不得食肉一者莫自煞二者莫教煞三者莫與煞同心四者見煞五者聞煞六者疑為我故煞无是六意得食肉不食者有六疑人能不食肉者得不驚怖福佛言食多有五罪一者多睡眠二者多病三者多婬四者不能諷誦經五者多著世間何以故人貪婬人知色味瞋恚知橫至味癡人知飯食味律經說人貪味味復味得生不得美味佛言一食者為欲斷生死亦隨貪不能行道為得天眼自知所從來生去至何所人不念死多食常念婦人皆墮百四十惡中天皆用飯故犯十惡後生便失人形墮畜生中既得

佛說佛醫經第四張

作人飢渴血出瞋恚傍生於愛內生於貪佛說有大福自飢以飯與人令人得命是為大福後生饒飲食之瞋恚亦无所施施亦不得但意恣貪婬亦無所施但得意恣非我所有一錢以上不得取故作貪欲空自苦作罪道人不可有憂愁憂隨怒愁隨貪我輩有死歲有死月有死日有死時亦不知亦不畏亦不行道亦不持戒東走西走憂銅憂鐵憂田宅奴婢但益人惱增人苦為種畜生習佛言人治生辟如蜂作窠採取眾華勤苦積日已成入便攻取去唐自苦不得自給人求是念是憂有憂无飢渴勤苦合聚財物未死憂五家分或水火盜賊縣官病痛多不如意已死他人得之身當得其罪毒痛不可言五分者一者火分二者水分三者盜賊分四者縣官分五者貧昆弟分何為无憂所有人不計是五分憂苦劇不棄是憂苦有万端結在腹中離道遠法人法生賈作得利不當喜不得利亦不當憂是皆前世宿命所致人有貪貪便不得

佛說佛醫經第五張

利正使得一天下財物亦不能猛自用之亦不隨人去但益人結但有苦惱但種後世緣因緣因如火如火無所不燒我輩不覺是點不敢妄搖知為增苦種罪

佛說佛醫經

甲辰歲高麗國大藏都監奉
勅雕造

佛說佛醫經 第六張

佛說佛醫經

校勘記

- 一 底本，麗藏本。
- 一 六三〇頁上一行經名，資、磧、普作「佛說佛醫經鈔」。
- 一 六三〇頁上二行譯者，資、磧、普作「吳沙門竺律炎共支越譯出」；南、徑、清作「吳沙門竺律炎共支越譯」。
- 一 六三〇頁上一九行第一三字「有」，諸本（不含石，下同）無。
- 一 六三〇頁上末行第一二字「興」，諸本作「與」。
- 一 六三〇頁中一六行「不量飯」，諸本作「不量飯者」。
- 一 六三〇頁下九行「妄念」，諸本無。又第一一字「入」，諸本作「入里」。
- 一 六三〇頁下一〇行「可避」，諸本作「為可避」。又第一三字「猗」，諸本作「狡」。
- 一 六三〇頁下一二行第三字「亦」，

- 諸本作「亦餘」。
- 一 六三〇頁下一四行「及得」，諸本作「乃得」。
- 一 六三一頁上五行末字「惱」，諸本作「腦」。
- 一 六三一頁上六行「火焚」，諸本作「火燒」。
- 一 六三一頁上一八行第一一字「得」，諸本作「復」。
- 一 六三一頁上一九行末字「隨」，諸本作「墮」。
- 一 六三一頁上二二行「中天」，徑、清作「中天」。
- 一 六三一頁中四行「施施」，諸本作「施」。
- 一 六三一頁下四行第一三字「搖」，普、南、徑、清作「採」。
- 一 六三一頁下末行卷末經名，資、普作「佛醫經鈔」；磧作「佛醫經」。